

新脩麻陽縣志 第 函

新脩麻陽縣志

卷一

序

新修廣陽縣志

同治癸酉

冬月開雕

1873

新脩縣志序

從來敷化徵謠采風獻治闢遐方之聲教作史
乘之權輿麟麟炳炳可以顯當時傳後世者莫
重於志邑志昉自有明萬厯復脩於

國朝康熙乾隆間迄今百數十年矣天時遞變人事
迭更典章制度之廢興風土民情之移易欲因
源而溯委慨簡斷以編殘即一二卓節瑰行半
付諸瓦礫榛莽有傳有不傳矧自軍興以來粵

逆竄擾於前黔苗蹂躪於後一時之後容就義
慷慨捐軀炳精忠若日星留浩氣於河嶽烈烈
凜凜亘古為昭者尤難更僕數我

皇上嘉乃績憫厥志猶將宣諸

國史載在旂常隆以俎豆馨香而名於茲不朽豈
志乘而可聽其闕如耶司牧者益難寬其責也
余以同治乙丑夏承乏來麻其明年即奉

大府檄飭脩志維時軍書旁午民不甯居迫邊

氛稍息得集邑紳議費脩舉適奉調入

覲倡其謀而莫興其事黔南姜君崑山踵余攝篆毅然以此自任即就所籌費會邑之賢士大夫經年採訪編輯成書第速於歲功少疏斟酌若遽付剗剗未免瑜不掩瑕庚午秋余北旋復蒞茲土取其書讀之思有以拾遺而補闕又以簿書鞅掌恐蹈譴陋不文之誚因屬滕君梅樵袁君子英與邑中二三君子廣為蒐羅詳加讎校澧

蘭沅芷期採擷以弗遺亥豕魯魚務舛訛之悉
正諸君於是上稽星野下披輿圖類及於學校
藝文祀典田賦或仍其舊或引而新靡不典贍
風華目張網舉其事實既確而可指其詞旨亦
約而能賅縷析條分無美不備而於忠孝節義
諸大端尤三致意焉不幾挾天地之奇匯古今
之要可信一邑而鑑千秋耶藏之名山傳之其
人庶潛德闡幽光發型方訓俗激濁揚清胥於

是乎在他如山川形勝城郭人民與夫物產之
菁華士風之篤厚無不備載是書足資省覽斯
役也非敢掠姜君之美亦殆藉邑人士之力而
盡余之職與心爾是為序

同治十二年歲次癸酉小陽月

賞戴藍翎湖南補用直隸州知州知麻陽縣事鄂城

吳兆熙識并書



新修縣志序

麻陽有志創於有明萬歷續脩於

國朝康熙雍正乾隆間亦既詳且盡矣顧自乾隆迄今百
餘年變故迭更遭逢各異戰攻禦守之方建置割隸
之殊與夫士之崛起遐陬毅然成忠孝節廉之行起
懦頑光史冊未嘗無人及今不書更歷數十百年將
汨沒於煙荒草蔓碣斷碑殘浮沉庸眾口耳其真不
傳噫可惜也

鍾琇

篆斯邑兵燹之餘饑饉因之爲民

裕積儲捍外患浚湏崇墉鞅掌簿書暇難容刻無論

代遠年湮未獲旁搜即見聞所及亦不遑操鉛槧幸
邊圉少安秋成大有民氣熙恬 大府採脩湖南通

志

鍾琇

未敢自逸致一隅文獻畧無足徵爰集士紳

搜羅近事自乾隆歷同治謹依舊志分類續編刪其
繁蕪挈其綱領其務浮夸鮮實事者不錄夫志即史
也必有關於人心風俗政治邊防因筆削之嚴寓勸
懲之意能使後之人有所興感不視爲覽勝之書則
又脩志之微意也是爲序

同治八年仲春月下浣日貴筑姜鍾琇謹序

新脩縣志序

志書昉乎經職方之所紀風詩之所陳皆間見錯出而尤莫備于禹貢一書濟河海岱言疆域也壺口衡漳言山川也總銓粟米言財賦也漆絲織文言物產也是卽後之志乘所自昉也我

朝重熙累洽一道同風異域殊方皆登紀載矧在各郡邑可不重志乘之作彰同文之盛歟麻陽僻屬邊陲自前明逮

國朝雍乾間其書四經修葺徵文考獻于是乎在顧年月

寢以風俗有移易人物有迭出忠孝節義尤有湮沒
未彰者是又不可不亟搜羅而補拾之矣同治庚午
間姜君岷山吳君筱山前後迭宰斯邑毅然倡舉與
諸君子踵其事蓋數年乃定焉甲戌之春予承乏斯
土其書告竣已半付梓吳君筱山將往龍標殷殷以
後半簡相託邑紳亦求讐校加弁言焉予索而讀之
見夫命意之嚴密採核之詳明詞藻之典則類例之
釐晰諸美具備又何待持布鼓改金根貽譏於大雅
爲耶顧志以紀實覽斯篇山川人物諸類固有合於

禹貢職方之體而忠孝節義讀者感發興起尤有風
詩勸善之遺旨焉緣不揣固陋稍有刪改並浼廣文
王君汝成點竄譌誤自維才薄無能爲役聊以寓稟
經之意且答諸君子屬望之心云爾是爲序

同治十三年六月既望署麻陽縣事容州黃金模謹序

新修縣志序

邑故有志自有明暨國初趙陳諸君纂紀之可謂備
矣雍乾趙君宏儀秦君周楊君登訓復踵前事續者
增之漏者補之奈僅藁本未付剞人積今數十年大
半剝蝕同治三年南楚續脩通志疊飭郡縣將各志
先脩送省會以備考稽沅屬當咸豐五六年黔逆倡
亂時擾邊陲同治以來盪搖益甚麻亦邊邑當事者
當茲兵戈頻仍團兵裕餉之不暇能繙舊集叙新猷
耶七年餞臘金筑姜君來典是邑繼前任吳君欲續

商有事以玉有襄事責更熟諮焉講武之餘繼以脩

文志有天文驗災祥即可察櫓槍之或息焰也有地
輿擇水陸即可就關津而設險也賦役軍儲之所由
出學校人才之所由興生破殘之地猶登是壽耆當
戰守之秋竟克成忠節則謂志爲一時紀事之書可
爲一時備邊之書亦可其所志顧獨志也哉至政紀
秩官風俗選舉藝文亦政之大也側得備書同治九
年立春永綏王振玉序

原序

歲辛未余奉

命承乏茲土下車日取邑志讀之嘆曰甚矣哉邑之不可無志猶國之不可無史也雖然志亦難言已缺而未備者固非冗而失實者更謬若夫簡而能該核而匪濫維茲麻志庶幾近之何則麻自宋迄今屈指數百年天時人事文物典章何可勝舉今觀是書約凡四卷而山川名勝封域遠邇貢賦正錯物產精粗與治理人文之得失興替無不朗然具備情形灼見勸